

荆楚歲時記
真臘風土記
吳風錄

溪蠻叢笑
歲華紀麗譜
夷俗記

夷俗考
吳社編



溪

蠻

叢

笑

朱
輔
撰

中
華
書
局

溪蠻叢笑

叢書集成初編所
選古今說海學海
類編夷門廣牘皆
收有此書說海本
在先故據以排印

溪蠻叢笑

〔木契〕刻木爲符契，長短大小不等，穴其傍，多至十數，各志其事，持以出驗，名木契。

〔狇黨〕出入坐臥，必以刀自隨，小者尤鈺利，名狇黨。

〔釣藤酒〕酒以火成，不釀不芻，兩缶東西以藤吸取，名釣藤酒。

〔金鷄〕羽族似雉者，金項火背，斑尾揚翹，志意揭驕，籠之不能馴。

〔茅花被〕狇獠無綿，揉茅花絮布被，一被數幅，聯貫以成，山獠皆臥板，夜然以火，狇獠視獠，則爲富矣。

〔辰砂〕辰錦砂最良，麻陽卽古錦州，舊隸辰郡，砂自折二至折十皆顆塊，佳者爲箭鏃，結不實者爲肺砂，碎則有趨趨，末則有藥砂，砂出萬山之崖爲最，狇獠以火攻取。

〔狇狇裙〕裙幅兩頭縫斷自足而入，闊斑厚重，下一段純以紅，范史所謂獨力衣，恐是也，蓋裸袒以裙代袴，雖盛服不去，去則犯鬼。

〔金繫帶〕硯石出黎溪，今大溪、深溪、竹寨溪，木林岡石皆可亂真，紫石勝揭石，熟獠亦能礪砥，黎溪爲最，蓋於淘金井中取之，近亦艱得，有紫綠二色，圍黃線者名金繫帶。

〔粉紅水銀〕水銀出於朱砂，因火而就，或謂砂腹生水銀非也，名粉紅水銀。

〔砂牀〕石之碎而砂附著其上者名砂牀。

〔水秀鐵〕鐵之精英在水數十年者名水秀。

〔順水班〕蠶事少桑多柘。繭薄小不可緝。可緝爲紬。或以五色間染布爲僞名順水班。

〔葫蘆笙〕潘安仁笙賦。曲沃懸匏。汶陽匏篠。皆笙之材。蠻所吹葫蘆笙。亦匏瓠餘意。但列管六。與說文十

三簧不同耳。名葫蘆笙。

〔燕子花〕紫花。全類燕子。生於藤。一枝數葩。

〔不關帶〕蠻女以織帶束髮。狀如經帶。不關者斑也。蓋反切語。俚俗謂團爲突。孔爲窟。龍亦此意也。

〔野鷄斑〕枋板皆杉也。木身爲枋。枝梢爲板。又分等則曰出等甲頭。曰長行。曰刀斧。皆枋也。曰水路。曰笏。削曰中杠。皆板也。腦子香。以文如雉者爲最佳。名野鷄斑。

〔娘子布〕漢傳載闌干。闌于獠言紵。今有績織細白苧麻。以旬月而成。名娘子布。

〔點蠟慢〕溪洞愛銅鼓。甚於金玉。模取鼓文。以蠟刻板印布。入靛缸漬染。名點蠟慢。

〔絲金〕沙中揀金。又出於石。碎石而取者。色視沙金爲勝。金有苗路。夫匠識之名絲金。

〔馬王菜〕葉似蔓菁。味苦多刺。卽諸葛菜也。

〔三脊茅〕麻陽苞茅山。茅生三脊。孟康曰。零茅。楊雄曰。瑞茅。皆三脊也。齊桓賁楚苞茅。不入者卽此。

〔鴉銜草〕紫草。爾雅謂之莢。廣雅謂之此葦。本草云。生楚地。三月采根陰乾。獠人以社前者爲佳。名鴉銜草。

〔雞骨香〕降真木出南海。今溪洞山僻處亦有。似是而非。勁瘦不甚香。名雞骨香。

〔出山銀〕西溪接靖州境出鉛。鉛中有銀。銀體差黑。未經坯銷。名出山銀。

〔雞末子〕古有細蟲曰焦螟。集於蚊睫。蠻地有蟲極細。拭目難視。黑點著身。抓搔不可耐。名雞末子。

〔九肋鼈〕沙鼈似馬蹄者佳。九肋出沅江。

〔銅鼓〕蠻地多古銅。有銅柱。馬希範所立。麻陽有銅鼓。蓋江水中掘得。如大鐘。長筩。三十六乳。重百餘斤。今入天慶觀。并有銅像二。相傳唐明皇像。餘散他處。鼓尤多。其文環以甲士。中空無底。名銅鼓。

〔不乃羹〕牛羊腸臟。略攪洗。羹以饗客。臭不可近。食之既則大喜。嶺表錄異曰。交趾重不乃羹。先鼻引其汁。不乃者。反切擺也。

〔圍布〕桑味苦。葉小分三叉。蠶所不食。玃取皮積布繫之於腰。以代機。紅緯回環。通不過丈餘。名圍布。〔鑿眼玃玃〕玃玃。蠻之尤恠者。兩目直生。惡青衣人遇之。則有禍。去麻陽百餘里。不常見。

〔獨木船〕蠻地多楠。有極大者。剝以爲舟。

〔芷〕香草。見離騷。有一穗數花。與蕙茝不同。開亦先後。皆蘭類也。

〔黃貓頭〕蠻類。不巾髮。拳曲照日金色。故名。

〔光面蠟〕蠟出山。不經僞者。名光面。作僞者雜以粟。

〔飛氍〕土俗。歲節數日。野外男女分兩朋。各以五色綵囊豆粟。往來拋接。名飛氍。

〔客鼓〕鼓之節不一。有暗箭鼓。集人鼓。犒設鼓。饗客亦以此。遠近聽以爲準。酒酣少有參商。則鼓聲隨變。終席無他者。名客鼓。

〔固項〕朱漆牛皮以護頭頸。名固項。

〔銀鷄鳩〕狻猊之富者。多以白金象鳥獸形爲酒樽。或爲牛角鷄鳩之狀尤多。每聚飲。盛列以誇客。

〔筒環〕狻猊妻女。年十五六。敲去右邊上一齒。以竹圍五寸長三寸裹錫穿之兩耳。名筒環。

〔門款〕彼此歃血誓約。緩急相援。名門款。

〔大設〕富洞以九月燕。及三年一犒。爲大設。

〔入地〕狻猊自別洞奔來此地。居止。名入地。

〔鷓鴣號〕戰鬪出入。羣聚發喊。以張聲勢也。

〔羊棲〕狻猊以鬼禁所居不著地。雖酋長之富。屋宇之多。亦皆去地數尺。以巨木排比。如省民羊欄。杉葉覆屋。名羊棲。

〔左右押衙〕猓狔比貓貓則妄自尊大。歲時旦望。或客至。皆排衙。主盟其事者爲隊公。又其次名左右押衙。

〔坐草〕山猓潛出省地茅草中。射弩奪物。機不虛發。名坐草。

〔客語〕能省民之言者。名客語。

〔準把〕互市諭約。價償未足。則刼去省民。或甲以乙代。名準把。

〔踏歌〕習俗死亡。羣聚歌舞。輒聯手踏地爲節。喪家椎牛多釀以待。名踏歌。

〔讐殺〕夷性好殺。一語不合。便刺以刃。百十年必報乃已。名讐殺。

〔專事〕溪洞文移。他人不能。特選往來之熟者。名專事。

〔骨債〕或爲傭而亡。或以煙而死。約牛牲若干償還。名骨債。

〔走鬼〕初夏徙居數日。以舍祖居。否則有禍。名走鬼。

〔鼻飲〕猓狔飲不以口而以鼻。名曰鼻飲。

〔喫鄉〕秋冬之交。聚飲以樂。名喫鄉。

〔瘠魚〕山猓無魚具。上下斷其水。揉蓼葉困魚。魚以辣出。名瘠魚。

〔賣首〕猓狔之受犒者。如熟戶之猓。既納款聽命。縱其出入省地。州縣差人管轄。或許自推首。名賣首。

〔打寮〕山獠穴居野處。雖有屋以庇風雨。不過剪茅叉木而已。名打寮。

〔生界〕去州縣堡寨遠。不屬王化者。名生界。

〔呈生〕祭祀必先以生物呈獻。神許則殺以血和酒。名呈生。

〔挖親〕山獠婚娶。聘物以銅與鹽。至端午。約於山上相攜而歸。名挖親。

〔骨浪〕獠獠睡不以床。冬不覆被。用三叉木支閤板。旁燃火炙背。板焦則易。蓋以板之易得也。以展轉之意。名骨浪。

〔隊小〕斃獠之隨從者。如軍中行伍。名隊小。

〔舞杵〕醉後以長柄木杵跳舞。亦有音節也。

〔平坦〕巢穴外雖峙嶮。中極寬廣。且以一處言之。斃獠有鳥落平。言鳥飛不能盡也。周數十里皆腴田。凡平地曰平坦。

〔例牛〕牛客多行桃源路。洞中占軍事勝負。及疾病祈禳。皆以牛用。名例牛。

〔跳雞模〕藝精者擲刀空中接之。名雞模。

〔洗面〕借人助相讐殺。以牛酒往謝。名洗面。

〔奴狗〕狔獠之爲傭者。名奴狗。

〔背籠〕負物不以肩。用木爲半枷之狀。緝其項以布帶。或皮繫之。額上名背籠。

〔葬堂〕死者諸子照水內。一人背屍。以箭射地。箭落處定穴。穴中藉以木。貧則已。富者不問歲月。釀酒屠牛。呼團洞發骨而出。易以小函。或枷崖屋。或掛大木。風霜剝落。皆置不問。名葬堂。

〔爬船〕蠻鄉最重重午。不論生熟界。出觀競渡。三日而歸。既望復出。謂之大十五。船分五色。皂船之神尤惡。去來必有風雨。一月前。衆船下水飲食。男女不敢共處。弔屈原。正楚俗也。名爬船。

〔隘口〕凡衆山環鎖。盤紆狹隘。絕頂貫大木。數十百穴。一門來去。此古人因谷爲寨。因山爲嶂之意。名隘口。

〔十莊院〕數十年前。獠獠侵占蝦蟆行寨省地。土人申請招致靖州。猺獠防托。借田買屋以居。名十莊院。

〔漏榔〕牛榔木多漿。猫獠歲饑闕食。則先以火窖地。握根置窖中。壓以石。又用火溫熟。

溫漬也。

搗作餅餌。名漏榔。

〔椎結〕胎髮不薙除。長大而無櫛篦。不裹巾。蓬垢髻鬚。自古以然。莫可化也。名椎結。

〔富貴坊〕競渡。預以四月八日下船。俗聚飲江岸。舟子各招他客。盛列飲饌。以相誇大。或獨酌。食前方丈。羣蠻環觀如雲。一年盛事。名富貴坊。

〔對刀〕甲與乙有隙。兩相鬪敵。背牌護身。遠以標鎗。鎗盡挺刃而前。名對刀。

國朝文苑

〔田面〕抱親之後年生子引妻攜酒歸見婦家名出面。

八

宋朱輔撰
字
人公